


Laaibhong hadü yempila : Willem de Vink

Jisu Messiah

J
I
S
U

M
E
S
S
I
A
H


Büpalei büshah hayü den beü kü nyeibüpa



Mehe




Vangshuphongshan: Mügi ne-e pü Kahvangei shahjang kobüpa. (p. 5)



Moihiman: Ü-ami Kahvangi mongpü düknya hadhü kü büpai beü mü meeipü dao shuohhüneyih.

Laihüng: Laaihüng kü Kahvangi shennyakdhü kü mükkei veinya hadü jom mü mükkei büpa etei nya hajung enyüke.



Shembüpamo: Jisu lei nanglakdhüi büpa di-tü yiangnei leipü hayü Shembüpa mo kü yü hadü aan hahpü homei deih-ei dangnyüke. (p. 41)

Shubhang: Jisu büpa nyingi lannei shuoh-ei dipü hepak kü mepa hadü hanghi-yei chüpu daolem-i büpa lei nangalakdhü shingvaishi hayü nyiangnehipü hük nyüke. (p. 25, 50)



Bhongshandhü: Jisu lei nanglakdhü. (p. 18)

Easter: Jisu yiangnei leipü nyih kü Shembüpa mo nyunyeih. Jehuda aümmi yao hapa nyih kü üng hompü mo nyunyeih.



Yiangnyuyem: Jisu mü yiangnyu nyupeyü Kahvangi hanpü nyüpeih. (p. 23, 29-30 & 59)

Hiünglempü: Nüngi Kahvang kü hiünglempiyü mehe büpai vangtük ha dükhen shingvaishi. (p. 58)



Mangtükpü: Kahvangi mangtük, shejau hapa danghen üpa yao changei neshiü. Laophü lei mang deihei dangtü nüng cheileiyeiyahen mongjüma Kahvangi mangtükhen. Jeni hanghi ponghen nyupü kaümmei Jisui, kolangpü nangkü jen mangtükpü dangaoknyeih. (p. 58)

Kahvang Ongching: Mellei shennyak dhü-i büpalei venpang hallei Kahvangei Ongching nyüpeih.

Lah-Angha Daülangpü: Ü-ami Jisu phei münya, hadhü lei yiangnyu kü Kahvangei lah-angha daülangpü nyuhüneyih. (p. 58)

Jisu: Kahvang Ha lei men, labpü "Kahvangi yiangnyeih".

Messiah: "Thittei phowe jepü Ong" (Hebrew shahmü) Messiah, küpü Greek shahmü labpü Khrista. (p. 52, 55)

Phoppü: Nüngi Kahvang mü jaütei piyü wongmü vajau, yuongmü vajau nüngi venpang nyüke. (p. 18, 19, 42)

Yangeileipü Nyih: Jisu dipü küpü yiangnei lei. Hapa kei nyih hük di-yei nyupü beü yiangnei leihen. Shejüang Kahvangi shennyak hangkoli lomja kü shahphenpü nyuhen. (p. 53 - 57)

Nyokel Leihen: Mechem Jisu kahdoknyiüle nyipabü nyokei yühen, dao beü jaa liüngchen. Kahvangi Kahdok hadü vangshu jaa leitükhen. (p. 57)

Kahshih: Mügi ne-e pü Kahvang hadü shennyak-ei vepa. (sheppe kao e-nyeih)

Mang: Kahvangi jen ngoihen taümpü mügkhung, mepa jen kü panghtüknya hapayü Jeni Kahvangi nemongpü dao dükpü nyüke. (p. 4)

Kahvangha: Jisu lei men, büpayü Kahvang Ha, üpa hangkoli leiyei kahdoknyiü lei yü büpayü Kahvangha.




Messiah Üpa Ang?

Jisu vangbung haja nyi 2000 hük shing she kü Israel Kahdokei nyu. Jeni büpa kü 'Jisu Messiah' kü 'Jisu Khrista' hapa labpü büpa yü ongpa. Shejao büpa ong mon nevai, Jisu yü 'Kahvangha' hadü 'Shennyak Ha' hapa labpü Büpa yü Kahvangei pü hadü shennyak hangkoli. Jisu lei büshah laaihüngkü nyiangei nyüke. Büpalei büshah hayü den beü kü nyeibüpa.

Jisu Lei Den

Jennei den-ü Jisu bühpü mü pahngpeih. Shennyakdhü la mü kam, Kado dokshangkü uoei kam nevaijü Koyei shangkü uo-ei kam. Shungnyü vaishi Europ kahdok, Vanghe ongshingphi, Africa apshaphi hadhü Roman aümmi atlangpü nyütüke. Hallei shennyakdhü-i laai-iehen hadü nyianghen nemani nyu shejao Israel kahdokei Jehoda ami kammei man-ei nyütüke. Jomphong keyü 'laai manpüdhü shei nyükhamtuke'. Kahvangi laai homei e-tei, Būpayü vamei nyupü lempüli daodhü lüngbü hadü bupai shennyakdhü mü küphü vaihü-ei nyu. Hapa Jisu homei leekei jen kü hu-peih.





Israel Jisulei denhivan

Chingnyiü: Jerusalem

Moidoi: Galilee, Samaria, Jehuda

Pahiyiang: Phakü 28,000 km² (10,810 sq. Yiang) hükshing nyu.

Vangluk : Vangpan

Kahdoknyiü Vanglem: 63 BC kü pahngei (Khrista she kü) Israel jatli Roman aümmi vanglem lemei nyutüke.

Sogar: Pontius Pilate, Roman aüm Governor-i Israel kü vanglemlem. Tiberius, Roman longpai büpa shangkü vanglemlem.

Vaipü Vanglem: Jehuda aümmei phophshem Jerusalem-ei nyu. Hallei ngongpa dhüi daolem beü jomi chongpho-ei dük hadü nyuhbü dhü (Pharise dhü nyu) ü-aümmei shennyakdhü kü laaihüng küpü nyuhhen venhen dhü shei nyu.

Shah: Hebrew (Jehuda aümmei shah), Greek shah ü Kahdoknyiü beü-i epü shah nyutüke, hadü Latin (hapa yü Roman aümmei shah).



Mehekei hadhü shenyak shuhalei thainya?



Am beü taümmei lemmei
nyutuh, Kahvang ongching
peikünyüke!



Yiangnyu jaa pahngtuh



Kahvangei shahphen Ay pü chongei haüshi nyüke




Betjük meipü nejükpü pü agtükhen hadü awbhaongei shüktükhen.





Jenphong ü-aüm yiangnyu meishi nya? Hadhü yau ag tükhen aok.

HiÜngmei! Üpa yao Kahvangei shahphen hen küpü neyang aokhen. Shejao ngeiphei kü üpa peikünya büpai nüngei mongdang cheilei yeiyahühen.



Amphong yiangnyujaa lei hüjüma, aümmei mang lahtuh hadü yungkü baptüktuh.




Shah-ang ü nüng-ei mang küpü nüng daütaitüke, shiyü yiangnyu jaakü nyutuh.

Yungkungei chongvenbü yü
Johan baptükbü shei beü-i nyük.

Ngei shungnyü nevaipih
shejao üpa-i hüngshangpü
Kahvang nang leekei
ephahen ngei pheikü
peikahen nyu, büpa shing
lem taümpü hük mon hih.
Büpai amphung lah-angha
daülangpai hadü aw-i
Baptükphahen.




Hadüpu shao




“Nüngi ang
ngei kü baptük
phahen vaipeih”



“Shah-angü hapakei nyemshiü;
mehenangkü hapa keiha jen
beüi daülangshemshepü
daodhü beüi dükhen jiüpeih”




Opa, nüngei ongching
peikei hadü nüngei
mongpü vaituh



Hadü vangsho leipü ngeü hük vaümmei

Hih, nüng ü
ngelei Ha. Ngei
nüng kü pamnyeih
hadü monghahnyeih.



Jen-ei hepak vangpan chongpahngpülei Johan babtükpü-i Israel am shing Messiah peihühen lem taüm. Hahepak kü Israel aüm-ü longpü Roman ghong aüm-mü longi manpü nyutüke.



Israel kü Jehuda aüm jumphong-ü namhah-ei hadü monglem neshiü-i nyu. Laaichangkü üpa peikahennyu shei dettei vannei nyu hapayü jom yangbü vaihen shei jomi Messiah mejü peikahen shei longi oungyangei dan. Hapai Mesiah-i jomei Kahvang aokpüdangpü yahei peikahen shei omdan.

Johan babtükbü-i Jisu kü Jordan yungkungei lakjangi hu.


Kahdoknyüü mang kolangpü Mi kü veituh.



Jisu babtükphei kü lah-anghai büpa jahpaan-ei- mü-ei lütei.



Jisu Jahpaanei nyih pinyi (40) yiapinyi (40) nyuyangkü büpai nehah neyingi shaüaiyungleyei phopei büpalei daoshu mepa hapa meishi nyinghen nyu.



Kahvangi shennyakdhü mangei lat-i dihen nyupü küpü yanghen shingvaishi, Jisu-i Kahvang-ei müghung käpjan ngaihe-i kahdoknyüü shennyak dhü kü meishi hupü khih.

Mügi ne-e pü kahdoknyüü shangmang Kahshih-Sheppe wong dipü hadü shetailaitaipü küpü Jisu lei iy-i hapa aokpüdang.




Hih Opa ! nüngi mehe -e ha ngei dükhen !

Shejao Jisulei vepai kahshih hommei
Jisu kü Kahvangei daoshu küpü
atlanghen shüveitüke.

Nüng Kahvang Ha vaijüma, haadhü
yongi aan leihen ngeükaüm shuohtuh.


Laaihüngi hapakei enyüke:
shennyak hük aan-i mon
yangnyu nyunüng ne-aokpih.

“Nüngü Kahvang Ha
shejema, nüng haleipü
laongtuh; mehenangkü
vangshu bhongshandhüi
nüng ne-aokhahhen
shingvaishi yeplanghen
shei laaihüngi enyüke:




“Shao laaihüngi hayao
nyiangeni nyüke: Nüngi
Shembüpa, nüngei Kahvang
mong tedok”

“Nüngi aümmei shatü ngei
kü khümjema, ngei hadhü
beü nüng kü shuohhen”.



“Lüdaituh, Kahshih! laaihüngi
ha enyüke: ‘Shembüpa, nüngei
Kahvang kü khümtuh, hadü
büpa mon chongphotuh’ ”.


Kahshih-i Jisu tuhtü lüdai,
hadü lomi vangshu bhongshan
peiyei büpa kü jung.





Jisu ü Israel kahdok apshaphi
kü büpa longtüke hadü mechem
Jisu Galil leipü lei pa, büpa-ü
lah-angha daülangpai maa-ei
nyu. Büpa mechem daipü
shang büpa pheikü shennyak
dhü longi mü jatüke.
Jumphongi thibü dhü-i laai kü
nyiangeni nyupü kei hapa Jisu-ü
hiüngmei mü Messiah vaila
shei longi nyinghü wei nyutüke.




Galil kahshang, Kana ching hücklei yüükjing mo nyu.



Jisu, büpalei chenyü hadü nanglomdhü mü chemmi hapa yüükjing mo kü om.






Capernaum hapa yü Galilee taowei nyah yappü tapüshepü chingnyü hük khih. Hallei Jisu-i ghongnyü kü Kahvang ongching jung chongvennei pahng.



Hallei büpai shongpü
nanglomdhü
jeyei chongpahng



Peter kü, “Yung jiüpilei
heihthuh, hadü shyang
shaüptuh” shei e.




Shembüpa, hamphong
vangnyak shyang shaüppe
päümpeih shejao meheyao
neyep angpih.



Nüngi hakkei ejüma ...



Mehe! Ngei
hiüngnelem
aoknyih !





Jacob! Johan!
hallei heihkei,
hapa yiangnyu
den kü yeppü je!




Ngei taoweipü lüdaishih,
Shembüpa, ngeiyü mang
shennyak!

Peter! Nüing tenyüam.




Hu-oi Ngei pheü müteh,
ngei nüing shennyak
yeppü aüm leihühen !




Ngei pheü müteh!


Jisu Galilee kahdok kaümmei
buplei nanglaomdhü mü-ei
dai-yei Kahvang ongching
beü kü bongei dai. Büpai
tiünpü meehü, Kahshih
shepe, nemeeipü lah-angi
yappü changtük hanangkü
shennyakdhü longi thahma.
Ha jung dannei Jerusalem,
Israel aümei chingnyü leipü
longi pei-yei Jisu lei shah kü
mongshuoh-ei pang.




Ü-aümi shüaeiyunglenya,
jumphong moihiman;
mehenangkü jumphong
shümoh meihen.




Mahng theppüdhü moihiman;
mehenangkü jom nyiushem
meihen.



Ngei nangkü mechem hangkudhüi
aüm kü yaüeilunghen, am kü
shüveihsen hadü am khüei shahshemi
den peü ehenshang am moihimanpü.
Am mongongtuh hatü mongmeeituh;
mehenangkü vangsholei ammei
laklei longpü nyüpeih.



Jummi aüm kü nyemdükpha
shei deihpü kei jum kü
dükeishuoh.




Aümmei vepa kü pantuh
hadü phopei shuoh.



Mih-i ehen shingvaishi
shennyak taowei daomei
nedükhen lituh.




Üpai nyüha hük kü vaü-ei veihenshang,
büpai penyümü mongdangei
mükbongjuyung düktüke. Üpaiyao
Shembü nyi chongphonüng neaok;
mehenangkü Kahvang hadü mop hük
kü jüühithen hadü hük kü pamhen.



Müg-ü büm shing vangngai, nüngei
müg meishi nyujema, nüngei büm
kaümpü vangngai-i maei nyuhen.
shejau nüngei müg meishi
nenyujema büm kaümmei
shangmangi maei nyuhen.



Kahvang hadü mop shei
üpaiyao Shembü nyi chemmi
chongphonüng neaok.




Ngenyihpü jung deih-ei
mongteshüang, Shejao shongei
Kahvang ongching yemtuh,
hadü doudhü beü am kü
yahphahen.





Ü-aümi ngelei shah pangei düknya, hathüyü kon kohpü
shennyak hük yong shangkü laophülei shem vepü hük
leshi nyüke. Shejao ü-ami ngelei shah nepang, hadhüyü
ngapa hük bhieh shangkü shem vepü leshi nyüke.







Shejao shennyakdhüi Jisui dükpü dao kü mong neong.
Vaipü mübü dhü Jisu-i Sabbath nyeü mangka halla shei veishinyu, mehenangkü ha nyih kü Israel aümmi dao nedükhen ngeükham longpü nyu.



Galil yungchingei Jisu-i büpalei nanglomdhü
mü-ei ai mongei shü-ei dai.





Shembüpa! ham yangshih!
ham yungei mahdai nyukhih.




Mehekei aüm nyemnya?
aüm mani mon vaipüdhü?





Kahshangei Sheppe lah-angi
yeppü shenyak nyu....



Büpa pei kü nyüke !

Büpa ! ÜGH!



Jisu ! meeitüke, meeitüke



Sheppe lah-ang büpa
küpü lao daituh!

Nungi ngei
kü mehe
dükphanügang,
Jisu, jaipüba
Kahvang Ha?



Nüngei men
üpa ang?




Legion, mehenangkü
ham longi nyüpeih.








Ham ook
ei shühen
mongshih.

Daituh!







Thomas hadü Mathi (Jitji yü shongei Roman phangkü lat thaipü nyutüke.



Jakob hadü Thaddaeus.....



Simon, üpa kü nyakpükenpü hadü, Judas Iskariot.





Daituh. ü-aümi nüng mongongshi yah, jumi ngei yahnyüke, hadü üaümi ngei mongongshi yah, jomi ngei shompüba mongongshi yahnyüke.



Nanglomdhü jom 12 kü kangpü daoshu küpü mongongshi nyiokei leiba. Haphei kü Jisu-i büpa mü chemmi jum vüngmakpü shing hük-ei yahei daihen taüm, shejao ghongnyü büpa kü nüve shuoh.


Hahepak kü büpai nanglomdhü kü, “Hah meandaitüke, shejao nanglak maani mon nyüke; hanangkü hah vethen shingvaishi hah vetbü Shembüpa kü nanglak shumhen phoptuh.





Hepak pheidainyüke... Jisu-i shah enyüke hadü tiüngpü meehü nyüke.

Philip kü, "hadhü nanglakdhüi hahhen hahying jeni meleipü shakhenang. Hadhü-i hahhen lemhük payü shuohtuh.



Jom beü maanbaongi hahhen dangkao lien shet (8) nanglati hahying shakjao nechangükhih.

Hataowei hashih hükei barley aan pha nga hadü nyah nyi nyüke.



Jom khohük hadü pinyipü ann shei ghong lüingei uotüke.




Jisui ha aan yah-ei menvih shuohtü ...



Büpai aan hadü nyah bhaok



Jisu-i nanglakdhü haja kü ühying.....




Üpa peikahen nyu, nüngü
vannyangyem Kahvang
Ha Khrista.


Jeni büpa yü ong
vaihü shah !




Veituh ! aopü
phuohinuo
thaishingkü mühdow
annpünyi (12) nyüke!



Shah-ang shennyakdhü shemmei leihen hepak khiih. Amphong
Ai lei an shihtü yungdangei heihtuh, büpa shekü yungdang
phihük-ei deishih, ngei kahshangei phoppei chongkahlen.






Shennyakdhüi Jisu onpa vaihahhüpü nyutüke. Jom Roman lak küpü yangphahen monglempü nyu. Shao phi hük kü Jisu lei vepadhü nyeinya vam hadü büpa khü-ei yaong. Jomi büpa chütük hen deihpü nyu.



Shembüba nüng hallei mechem nguipa?

Aümphong kü aan ühphüpü nangkü ngei yemnyu je?

Shedailaidaihen hahying nang kü mongteshang, shejao vannyangyem nyuhen hahying deih-ei dangtuh.



Ngeiyü yangnyuyem hahying shuohbü. Hapa yü ngelei büm kahdoknyü yemleihühen shuohpeih.



Mükkei etü büpalei büm shennyaki hahhen shuohhen?

Nyüphinya !



Hu-oi daishah!

Büpai beü kü lawhah nyüke.




Nüngao nedai hü-ang je?

Shembüpa, ham üpa taowei daijanüng? Nüng kü vannyangyem shahdhü nyüke!

Jisu kü khü-ei yongpü netohi nyeinya vam. Büpai Galilee tuhphongtü bupa lebü Israel shingei bupa chongphopüdhü nyüha hadü paha shei jom chemi dai yei büpai daoshu chongpho-ei düktai.

Galilee
Jerusalem ●

Haphei kü bupa Jerusalem lei heihtai...



Mechem lemmei daipü shangkü ...

Shennyakdhüi ngei kü üpa khiih shei eteinyukih?


Jomi thibü hük khiih shei enyüke.



Hadü nüngi?



Nüngiyü Ngei üpa khiih shei deihnyukeih?






Nüngü Shembüpa, vannyiangyem Kahvang Ha Khrista.



Üpa kao te-e, Messiah Jerusalemei dai-yei shangponghen dihen hadü nyih jempabü kü mahngchong leipü yangei leihen.





Hepak hük kü Isarel chingshudhü kü ngomdin nyutüke. Ngomdin hapa yü beümü nemeeipü din, ü-aümphong ngomdin pah-ei nyu jomphung ü yembüm meeishi nyupü dhü taowei nepeihü.



Ngompüdhü jom mechem daihenshang hamphung dai kü nyeih shei lenhamtuke.

Ngombü!
Ngombü!



Jisu, Shembüpa, ham kü phahjishih!





Aüm dai-yei
Ngongpadhü
kü hu-ei shuoh!



Ham beü kaümmei
meeidaihen je?

Meeidaipü dokhen shangmü
Ngongpa taowei heih-ei veituh ?



?

!




Veituh! Ngei meeidaitih!



ham meeidaitih!

Hih!



Hallelujah! Kahvang ü
meeipü! Mongmeei nyeih!



Am ann meihüpu nevai je?
Shejao lebü shiü mele
daipa? Kahvang kü menvih
neshuohnyu je?



Yaongtuh, hadü leituh; nüng
hiünglempai nüng meidaiteke
hadü yemleipü dangtüke.

Jisu-i dükpü beükü jomi
müghüh. Hanangkü
Jerusalem eipü Jehudah
mübü dhü-i jom
chongphopü hük Jisu
taowei gühshukhen shum.

Büpa hadhü mü thai, mentien kohpüdhü,
mügpung-juyung aümkei, Roman aümmei latthaipü....

Messiah hayü mahdaipüdhü
yemhen hadü yanghen peipeih”


Mehenangkü Jisui Sabbath
nyih tiüngpü meehü.

meeidaituh! !

Hadü maanpü hashihdhü
kü büpai longi phahji...

Maanpü hashihdhü ngei
taowei peihütuh; mehenangkü
Kahvang ongchingü hapa
keipü dhü shing hih.

Jerusalem yoshi shah-ang Bethany lei Lazar tiüngei nyük kei shei shahjang shum. Lazar lei che-nya Mary hadü chenaü Martha mü Jisu-ü küphü meeipü nyutüke. Mechem Jisu ngoi japa, Lazar diyei mahngchongeï nyih alipabü nyutüke.



Shembüpa, nüng ha taowei nyulangmeyü ngelei näipeü nedihah shüpeih.



Martha, anaü shao yiangei leikahen hih.



Hih, ngei nyingnyeih. Dohpü nyih yiangei leipü hepak kü büpa yao yiangei leikahen.



Ngeiyü yiangei leipü hadü yangnyuyem. Üpai ngei kü hiünglem, jum dijao yemmü nyuhen. Martha nüngi hakü hiünglemnyüla?





Hih, Shembüpa! nüngü Messiah, kahdoknyiüleï peipü Kahvang Ha.



Aümmi büpa mellei vüpa?

Shembüpa! peiyei veituh !





Jerusalem ei shahkungnyiü nopü aüm nyeinya
Jisu hadü büpa pheimüpüdhü kü veishi nyu.




Hapa shennyaki
nyiangeihipü longi
düknyüke.

Jeni büpa hei-üng tuh jema Rom
aüm peiyei mangtükhen khih!

Jomi jenei phopshem hadü kahmük
nyiphen mangtükhen khih!



Aümmi hanyingtuh, Kahmük hük
beü mangtükleimeyü nanglak beü
shingvaishi shennyak hük dipü-üng
meipeih shei aümmi nenyngnyu khih.




Hanangkü Jisu-ü jat
hük shingvaishi dihen.

Ha nyih mü leitü Jehoda
mübüdhü-i lemyem-ei
shahwong longpü taümpü
hayü Jisu yeppei Roman
aüm kü Jisu chühen
shuohhen mongeituh.


Mechem Jisu Bethanylei nyupa...




Mary!



Vungmeipü melli! bhei longpü lei khihma?




Jeni hapa vungmei melli! bhei longpü kü yu-ei taopadhü kü ang shuohhen meihen khih.




Pinnyü hei-üing nyemnyu, Judas. Pinnyüi hayü ngei mahng vühen nyih shingvaishi nyingshangi düknyu khih.


Hepak longi ne-angi hapheikü hompü mo
nyu, hadü shennyakdhü Jerusalem ei pei.



Jerusalem mübüdhü Jisu yephen
phaüshahsho. Shejao büpa
Chingnyü leipü laowei lütai.





Shenyakdhü Jisu peijapü
kü büpa mongongei yah.




Üpa Shembüpa, Israel Ongpalei
men küpeikünya moihimantuh!

Israel aümei Ongpa



Chingnyü lei nyupü
Khümschem hapa yü
ji-ammei nyüke.



Hompü mo hepak kü
mi chühüamtüke.



Kahvang mü Shakkei shenhen
shingvaishi midhü khüm
shemmei jakkei moilha shuoh.







Shennyakei mang chahen
shingvaishi Mükkei pü mi
japü moilha shuoh hampa?




Shennyakdhü phopshemei mongei lob
cheiteipü kü longi mongshuohei nyu.



Jisu ao hallei nyu.....






Jeni Jisu yephen lem laki lüingei yemeishah büpa yep aok jü chü aokhen khih.

Shejao, "mo hepak kü pa nevai, hompü mo hepak kü nebuktei shah.



Ngei büpa lannei shuohjü aümi ngei kü meshük shuohhen?

Hayü Juda, Jisu lei nanglom hük !



Ngei am kü büpa lannei shuohhen!



Hami Jisu yephen shing ngin hapüan (30) ie-yei shuohhen.



Mübüdhü-i büpa kü longi
nemeei-i deihlangmao,
hompü mo she thahshi kü
Jisu khümshemei nanglakdhü
kü chongvennei nyu.



Om hepak hük kü Jisu hadü büpalei nanglomdhü
12 mü chingnyiülel hompü mo hahhen thai.



Sheyia ngei dük kahen !






Ngei shangponghen shekü
aümphong mü hapa hompü
mo hahhen naei nyupeih.



Nganhiwong nopü shennyaki
mih chongpho hünyüke, shejao
lebü lem laolao kü aüm mü
chemmi nyüke.






Amphong ghongkü beü
mü longpeyü aa leihen.



Ngeiyü aümphong mü
nemnobü hük kei nyüpeih.








Hapa hahshing kü ngei dungei deihei dangtuh.



Aan yahtuh, hapa yü ngelei phai.



Shong hük yah, hapa yü aümphong shingvaishi haipü ngeilei iy. Hapa kei Kahvangi aümmü vangteishuwteipü jaa.



Ngei shahkungnyü jaa hük shuohnyüpa. Ngei pampü kei aüm hük-hi-hük mü pamteihtuh.



Hapa pampü aümphongmü nyujüma beü-i amphong ü ngelei nanglomdhü khiih shei nyinghen.



Shembüpa, nüng mellei dai hallei ngei mükahen. Nüng shingvaishi ngelei yangnyu lannei shuohhen hih.



Peter, hepak ngoijü ou kashekü jempa thahshi nüngi ngei nelah-aokpih.

Hapheikü om lemmei, Jisu hadü nanglomdhü chingnyiü leipü dai, shejao hallei Juda jommü nenyu.

Ngei aümphong tuhphonghen. Shejao Opai lah-angha daülangpü shomphahen, büpai aüm kü Sheühhen den kü aümmü nyuhen yahphahen.

Nüngi ngei mellei dai nyingei nyüke.

Ngeiyü lemnyü, shahhüng hadü yangnyu; ngei nehompheikü üpaiyao Opa taowei nepeiaokpih.

Aüm ha taowei jongkei. Ngei antolei phopnüng heihdainyeih.

Opa, aokjema hapa shanghah yungshong ngei kübü yahlangshih.

Shejao ngei mongpü nevai, nüngi mongpü vaituh !

Amphong shah-ang thahshi shiyei nyiumeyu je? Paotuh, jen daishah! Ngei luhahpüba hataowei peikünyüke!”



Ngei üpa lei ju kü jüpkahen, hapa shennyak yeptuh.



Hi, Nyuhbü!



Juda, nüngi Messiah, ju-i jüpei lohahnyu je?

Shembüpa, jom mü hokshah nyu?



Tah !



Jisu büpa yah langshah. Büpalei nanglomdhü kaümmei lem laolao kü nyaitai nyüke.



Jisu ngongchong taowei müei dei, üpa Jehuda aümmei beü mü shupü mübü nyüpa. Hallei Peter hadü Johan ao büpa mü takshi mü-ei tai.



Peter daiyei ngongchongei chingkon-ei uoshi nyu.



Nüngao Jisu mü nyupü nevaipü je?



Nevai! Ngei büpa üpa ao nenyng angpih.

Nüngao jom ghong hük nyupü nevaipü je?





Hiüngmei ngei nevai !

Hiüngmei-üng nüngao hadhü khongkü hük; mehenangkü nüngü Galil am khih.



Aümphongi epü hapa shennyakü üpa shang ngei nenyngnyih.



Jisu Roman Govenor taowei mü-ei dei, Hahepak kü Pilati ngongpadhü, mübüdü hadü nanglakdhü chemmi nyükei thaihü, ngeü wong annei nemeeipü shahdhü longi e.




Nüng kü hadhü namshah epü dhü kü mehe yao eshuohhen nyella? Neshiü?



Nüngi mehe dükshuohpa?

Ngei Kahdoknyüü kü shahhiüng denpü shuohhen.



Shahhiüngü meheang?

Büpa nyonghühen mü ngei meheyao nedangang. Hompü mo kü ngei am kü shennyak hük vephahen vangleml nyüke. Ngei am taowei Jehoda aümei Ongpa hi Barabbas vephahen ang?





Barabbas!

Barabbas!



Shejema aümphongi hapa Jisu kü ngei mehe dükhen nanya?

Büpai büpa Ongpa hih shei deihnyüke!

Büpa shubhang kü aptuh!

Nüngi hapa shennyak vetükjüma, nüngü Caesar lei küphü nevai.



Büpa nangjei-yei nüng lüdaituh.

Barabbas, Chingnyiüle mophicheü vamhüpü hadü shennyak chüpü shennyak khoklat leipü veyei deishih.






37, 38, 39!



Hapa shennyak dipü mang ngei nekohen.



Jehoda aümei Ongpa, yiangnyu shushoshi nyutuh!



Mechem Judas luhahbüi Jisu
eepa, büpai dükdükpü deih-ei
mongkü longi tiüngei deih.



Ngei longi pungei düktüke.


Ngei daülangpü
shennyak chühen
luhahpai mang thahtüke.



Hami ha mehe vaihen?
Hayü nüng mong khihma.



Tien dükpü pa nyi aa kü Jisu
jiammei shubhang kü ap.



Opa, jom kü mang
tükeishuoh; mehenangkü
jümi mehe düknya, jumi
ha nenyng.

Pilati shah hük hapakei
nyiangtü ha shubhang
shangei tuh: "Jisu, Jehoda
aümei Ongpa.



Jisui kü yiüthi hüngtü
annei ju kü jeeshuoh
shejau ha neying.



Veshandhüi büpalei
asshak alli anei shaaktü
hükpong hanei yah.



Nüngü Kahvang Ha vajjema
shubhang leipü shühkei!



Hih! Büpai mih yangnyu nevaipü je?

Nüng yangntü henjiyao yangshih!

Kahvang kü vangdhüm shuohtuh. Ji
yü jiüpu kü ponghahnyeih, Shejao hapa
shennyaki meheyao nejiüpu nedük".



Nüngei ongchingei
peishingkü
ngei deih-ei dangtuh!



Ngei nüng kü shahhüng
eneyih, shinnyih nüng
ngei mü paradiselei nyuhen.

Shah-ang annpünyi baji mongkü kahdoknyü kaümpülei vangnyak pei; mehenangkü vanghe nenyai-manghdai, hadü Jerusalemei haenpü asshak nyi annei shaakdai.



Jisu lei jinyü Mary hadü Johan, nanglomdhü Shubhang taowei yaongshi nyu.

Shah-ang nüng Nyü hadü Ha.



Ngei... yungle angke!



Ngelei Kahvang, ngelei Kahvang, mehekei nüngi ngei tuhphongnya?



Opa, nüngei lak kü ngei ngelei lah-angha lanei shuohnyeih.



Ha... täümtüke.



Jisu haümhahphei kübü om jem baji kü di.
Veshandhü ghongkü huki büpalei haampat
kü phungi hüm, hadü iy hadü yung chemi vam.



Laai kü nyupükei: Büpayü
miha chüshingei deipükei.



Jen-ei mang shingvaishi
büpakü hüm hadü phai
mintük, shah-ang
büpa ditai.



Büpa yü Messiah peikahen
shei epü ha vaila?



Arimathea aüm Joseph, Nikodemus, jitji-i Jisulei mahng
yah-ei Jehoda aüm mahng vüteipü vanglem aimü nyemin
asshak kü vungmei melli shihtü mahng kü ngeihtüke.



Hu-oi jenni, büpalei
mangh vühen yüshah.



Sabbath pheikü hatyang kü
shongpü nyih dhom mü lomi
nyühadhü kaüptükpü
mahngchong kü veinüng heih...



Hapa yong
ngowtüktü
nyutüke!

Mehekei aümmi dipüdhü
khong mü yem mü nyupü
hük yemnya? Büpa yiangai
leidaitih!





Mechem hapa danpü shang,
Peter hadü Johan jitji
manghchongei mokkei heih.



Mehe vaipü?

Hapa yü chemjalak
kü kong mü nyüke.!





Hapheikü nanglom nyi lemmei daiyei nyushingkü Jisui shao nyingnyoi mü hayaoha vamei jitji kü hu. Jiji nyokkei leiyei lebüdhü kü e, shejao jumphongi jitji kü hiüngnelem.

Thibüdhü kü hiüngnelmnyuje? Messiah-i hadhü shangpong hiühen hadü büpalei müknyinshekhang kü shühen nadang nenyuhümpü hiang? Thibüdhüi laaidhü nyiangpü nyüke.



Mechem nükdülei uo pa, nganga hük kü bupa jitji taowei pü mahdai.

Shejao hapa yü Jisu bupa mon nyutüke!



Shülangi jitji layaongei Jisulei lebü nanglomdhü yemhen dai .

Hamphongi Jisu epeih !

Mary hadü Peter jitji yao e-tüke !



Nganga hükü....

Aümmü mü chingmei nyutuh!



Ngei kü hiüngnelem nyuje? ngelei lak hadü la kü veituh;




Ngelei Shembüpa ngelei Kahvang !

Jisu büpalei phei müpüdhü
taowei nyih pinyi (40)
thahshi vammei-e, hadü
Büpa shao shenyak ghonga
(500) taowei yao vam.
Nyih hük büpalei
bhongshandhü Gallilee
yungching ei nyah yaüpei
nyu....

Nüngei lakkei lemhük
dangkao hahhen nyella?

Neshiü, hami meheyao
neyep angpih !



Ngelei meeipü
Kahvang, mükkei
yep aokpa!

Hapa yü Shembüpa!



Shembüpa!

Nüng hamphong mü
chemi hahhen peikü halla?



Peter, nüngi ngei kü
hiüngmei mü pam nyella?



Jisui, Peter kü hapa
jempa thahshi phe tüke...



Hih, Shembüpa; ngei nüng kü
pamnyeih shei nüngi nying.



Ngelei midhü haümtuh!



Ngei pheii mükei!



“Vangsho hadü kahdoknyiü kü ngan
beü ngei kü shuohtüke. Hanangkü
daituh, jatli beü nanglak leihütuh; Pa,
Ha hadü Lah-angha Daülangpü men
kü jumphong yung kü hüngtuh, hadü
ngei aüm kü epü lempü dükhen jum
kü nyuh-eishuoh,.

Ha tebetük, ngei dungei kahdoknyiü
dohpü ngoishi aümphong mü nyukahen.



Ha shah ephei kü Jisu
kahdonyiü tuhphongtü
vangshulei anlang. Shejao
büpai hapakei etüke, nyih
hük shennyakdhü kü
shahphenhen yükahen
shei e...


Büpalei nanglakdhü
Jerusalem mei phoppei
danei nyu. Lah-angha
daülangpü, Kahvangei
Lah-angha jumkü ma. Jisu
kü nyupü hapa lah-angha
shah-ang thahshi
yemnyüke. Büpai jum ngan
kohshi Jisu jung denpü
shuohhen shennyak jaa
leihü.



Dipülei ngani büpa shümmei netuh-aok.
Kahvangi büpa dipü kübü yangei leishih
hadü Shembü vaihü. Büpaiyü Messiah.


Jisulei nanglakdhü kü longi
shüveidoidei pü nangkü yannei dai.

Jisu yü Kahvang Ha!



Hapa shahjang-ü laai kao
nyiangeni beü kü pong hü.

Jen-ei mang kaümmei
büpai shubhang kü
apei dipü hepak kü
kolang. Hanang kü
jen mang kü di hadü
shah-angü yemmü
nyupeyü Kahvangi
mongpü aimü
nyuhenkhih.



Shah-angü kahdoknyiü beülei
Jisu lei naglakdhü chemmi
phopnyüke hadü laaihüng
ie-nyüke. Shembüpa mo hahpai
Jisu, laophülei yangnyu shing
Jisu dipü deih-ei dangnyüke.
Hapa yü Kahvangi mongpü
büpai pampü, jumei mondang
jiüpüleipü beü hük-hi-hük mü
hanteinyüke.

Jisu-i Kahvangei
müghung shennyak
shing aokpü lüngtüke.



Jisu-i jen kü pam! Menvih
shuohshah hadü büpa kü
khümshah!



Kahvangi kahdoknyü kü longi pampü nangkü büpai laophülei Halom shuoh;
üami büpa kü hiünglem nemahhen, shejao düngeipü yangnyuyem danghen.

WILLEM DE VINK

LAAIHÜNG:

Jisu lei büshah laaihüng kü nyiangnei nyüke. Lebü mükkeipü laai vaijao, laaihüng kei ie-pü neshiü. Hapa laai yü shiakhimong heengkaümpü laai. Hapa laai (1500) vangbung yangkü nyiangpü nyüke. Laaihüng vangbung 1900 mongaa kü nyiang kaümpü nyüke. Hapa laai kü Kahvangi shennyak yangnyu nyuhen chonghen büshah hadü yempila kaümpü epü nyüke. Jisu lei yempila hommei Kahvang jung lekei jen kü hunyüke.

JISU LEI BÜSHAH


Laaihüng alli (4) kü Jisu lei yangnyu büshah jung nihei khowei hapa laai nyiangbü dhüi nyiangpü nyüke. Hapa laai nyiangbüdhü beü Jisu lei hepak kü chami nyupü dhü nyüke.

Matthi – Jisulei bhongshan. Büpa yü lat thaibü nyutüke, büpai shungnyü vaishi Jisu Jehuda aüm kü mükkei eteipa ha jung nyiangtüke.

Mark– büpa yü nyiübüh vangbung anntok küpü nethe hük nyu. Büpai Jisu-i thama yashanpü dao longpü dükpü jung nyiangtüke.

Luke – büpa yü Milli nobü. Büpai Jisu mü lomei nepongtei. Hanang kü büpai Jisui shennyakdhü mü mükkei eitei ha jung nyiangtüke.


Johan– büpa yü Jisu pheü mübü hüknyu. Büpai shungnyü vaishi Jisu-ü üpa-ang hajung hunyüke. Jisu-ü Kahvang. Ü-aüm shennyak mang lungsha-i sha-ei nyupü hapa lai hen shingvaishi peipeih.



Jisu bühpü


Jisu lei chenyü Mary, penyü-ü pai mü ngühpü nella nyutüke. Shejao Kahvangi Jisu büh hühen shingvaishi Mary je, hadü penyü shem mangyemmi Jisu büh. Hapa nyiangeihipü vamhen Jisu mangbühi laai kü yeihshi mübü nyiangtük tü nyutüke.

Jisu-ü hamba kei nevaijü lebü hükkei bühpü nevai, shejao büpa yü bühhen shing neshü-i mohoh khokei mohoh hatshung shangkü bühtüke.



Jisui yashanpü dao dükpü

Laiihüng kü Jisu-i yashanpü dao dükpü, tiüngpü meeihüpü (40) penyü mü nyeishi nyiangei nyüke. Jisui hapa thamayashanpü dao longpüdükpü hommei büpai shennyakdhü kü pamei hadü mongongshi tuhüpü, kü Kahvang-ei nganhiwong nyinghütüke.



Jisu di hadü yiangei lei.



Jisu mehekei dipa? Hapa nih-eikhowei laaihüing kü nyiangei nyüke.

Shennyakdhü beü-i jamjam pungnyüke. Kahvangi nemongpü dao dükpai büpa mongshih mongmanghünyüke. Hadhü kü mang shei enyeih, hadhü mang hommei Kahvang mü küphü meei nyupü panghtük nyüke, hanangkü jeni danghen hanghi nyupü Jisui büpa nyingi angkü lannei shuohhen peipeih. Hapa hanghi nyupüyü dipü. Shah-angü Jisu dipü hommei jen Kahvangmü shao küphü meei leitüke. Shejao jen nyingiyao laophü-i pungpü shaipü deiheidangei manglahhen nyüke.

Jisu dipü küpü yiangei lei. Pa-Kahvangi büpa shao yemmü tuh. Hapai dipü shakkü wongnyeibüpa nyüpeih shei Kahvangi hunyüke.

Jisu shah-angü yemmü Pa-Kahvang mü nyüke. Mehekei shejüma büpa yemmü nyüke hadü düngei jen ei küphü meeipüpa. Büpai jen kü Pa-kahvangi mongpü lem kü nyuhen shaühpü shuohnyüke.

PHOPPÜ

Nüingei mang deih ei dangei mong laübpei leijüma hadü nüng shao Kahvang mü mongjem vaihüjüma, nüingi hapakei phoptuh.

Pampü Kahvang. Nüingi ngei kü pampü nangkü nüingei halom shuoh. Ngei pungpüshaipü tata kü büpa shubhang kü appei di. Ngei pungtüke shei manglahnyeih, ngei kü mangtükshih.

Jisu nüng ngei lemmei nyüpeih shei mongmei nyeih. Ngei nüngshing mon nyuhüangke.

Nüingi ngei mükkei tuhhahhüpa hapakei nyu aokhen ngei kü shaühshih? Nüng düngei ngei yopahlei chongkei, nüingi ngei phoppü kü jangpü kü menvihshuohnyeih, hadü nüingi mehe lah hapa düngei jiühünyeih.

AMEN

Jisu hadü Nüng

Jisu lei yempila chongpahngpü küpü dohpü. Jisu-ü peih taipü hadü shah-angpü shennyak dhülei küphü meeipü. Kahdoknyü cheileitai, longshi shing Kado nevaijü Koyei kü nevai Cari hadü Lenpi kü kamtei nyüke. Shejao hapai Jisu kü mehe ao laolao neshiü. Büpa yü jen yopailei nyuhen büpa Israel nanglakdhü mü kampükei. Büpa mügi ne-e nungaok shejao büpa yü hiungshangpü. Shennyih nüng nangkü büpai nüng mü küphü mee vanyüke. Nügi büpalei venpangtuh hadü büpa kü pamtuh

Nügi Jisu lei yangnyu jung nyeishi nyinghü nyella? Shejüma nügi hadhü düktuh:

1. Nüng shingvaishi laaihüng ie-hen pahngtuh (Luke-i nyiangpü laaibhong keipü ietuh).
2. Phophen pahngtuh (Kahvang mü jaütepü hayü büpalei ngeü pangnyüke – shah kemhen nangkü nügi shahjök longpü, meeipü mon noteihen nadang neshiü)
3. Mih mü Jisu jung hadü laaihüng hanteituh. Jisui büpalei nanglakdhü chemmi thaiyei hadü hük-hi-hük mü mongnang dhongtei-ei nyuhteihen longi nanyüke.



Translator Name: TAUYONG CHINGKHUNG PASTOR

Publisher: KRISTALAYA MERCY MISSION

Printed: Kristalaya Printers

Text and illustrations: Willem de vink

Copyright 1993 Stitching Wereldtaal, Rotterdam, The Netherlands, Published in Dutch as “Jezus Messias”. Edition in **Phom Naga** 2025: ISBN: 978-94-93321-31-1

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail: jmpbk.app@gmail.com Web: jesusmessiahcomicmedia.com/india

Jisu Messiah

Hapayü hiüingshangpü Jisu Messiah lei yempila. Büpa vangbung 2000 she kü Israel Kahdok-ei nyu. Ü-aümphong büpa mü pongtei longi thama hadü yashan. Shah-ang thahshi büpai dükpü kei üpai yao dükei neshiü, büpai e-pü kei üpai yao e-yei neshiü. Büpa mellei nyu hallei thamayashanpü dao longi dük. Büpa lei ven pangpüdhü kü mongong longpü koweï pei. Shejao nga-nga hük kü tohpü yah-ei pei. Büpa lei vepadhüi büpa jütük, shejao hapai dohpü nevaihä. Meshiük mongong penüng ang? laophü shing hapa laai ie-hahshah. Jisu Messiah büpalei yempila nedohi dainyüke.



Language : Phom Naga

ISBN : 978-94-93321-31-1